



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 98. Utriusque Legati discessus, hujusque Legationis exitus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1557.

tia Decembris die, qua advenerat, obviam usque ad Bruxellensem portam procedebat, atque in itinere sinistrum ejus latus stipabat, quin imo die Sacris tribus Regibus sacra ipse Legatum in suo Palatio invisit, atque eundem ad suum Sacellum conduxit, nec non postea eundem suo convivio adhibens omni occasione data plurimis honorum signis decoravit: dum vero Cardinalis itineris sui causam exposuerat, Rex eidem hæc reposuit: „Ad pacem quidem „Christianæ Reipublicæ reddendam animimum oppido propensum foveo: verum id longioris indaginis negotium „est, nec mihi satis persuadere valeo, „quod pariter Franciæ Rex, uti oretenus præsefert, animo etiam ad concordiam propendeat, quinimo potius eontra haud temere suspicor, quod ad reficiendas suas vires nupera clade admodum detritas hac temporis morati molitur, ut postea majori ardore bellum restaurare possit. His addidit, „ad meos ministros Neapolin literas „dabo, ut ea, quæ jurisdictionem Ecclesiasticam concernunt, rite componant, nec inconsultum erit, si pariter „Pontifex eo Nuntium miserit, qui cum „illis conferre poterit. Polum Cardinalem quod attinet, totum negotium „cum Regina pertractandum erit. „ Legatus

gatus hunc in finem ad Reginam consentiente Rege Montis-Belli Marchionem decernebat, eidemque Legationis socium adjungebat Hieronymum Nechifolam Ordinis S. Dominici Religiosum, patria Veronensem, ac Theatinum Episcopum, qui Reginam de Pontificis voluntate certiore redderet. Pariter Rex Peytii causam ad Reginam remittebat, subjungens, quod ob grave hujus Præfulis senium exigua in ejus opera spes a Pontifice collocari possit. Denique ad ultimum articulum Rex reposuit, Albæ Ducis adventum esse præstolandum, ut cum eo melius hac de re conferri possit.

§. XCIX.

Cardinalis Caraffæ colloquium cum Philippo circa Paliani Ducis fratris sui causam.

Interea Caraffa Cardinalis Pontificem de Legationis suæ successu, necnon de Regis responsionibus certiore facere non prætermittebat; quippe hanc in rem Octavium Reversam Terracinensem Episcopum olim apud Helvetios Sedis Apostolicæ Nuntium Romam ablegabat, quem tamen Pontifex protinus ad Nepotem suum remisit, significans, quod Bariensem Ducatum Paliano Duci donandum urgeret: cum vero

Sæcul. XVI.
A.C. 1557.